



Moderamen  
GBKP



# Ibadah Keluarga

Rabu, 20 Mei 2020



Moderamen\_GBKP



[gbkp.or.id](http://gbkp.or.id)



Moderamen GBKP

# 1) Persikapanen

- Kerina anggota jabu pulung ibas sada ruangan, persiapkan Pustaka Sibadia ras perlengkapan sidebanna.
- Adi lit anggota jabu si beluh ermusik banci mpersiapkan diri guna mengiringi ende-enden pujin.
- Tentukan petugas ibas ibadah keluarga enda.
- Adi lit ende-enden pujin si la ieteh banci iganti alu ende-enden pujin sideban.

## 2) Rende KEE No. 399 : 1 ipimpin sekalak PERMATA

Mari surak muji Tuhan Endesken 'nde-enden m'riah,  
O surga doni ersurak kerina,  
Mari rende muji la Alu ukur si meriah,  
Puji gelarNa si Badia.

Reff.

La 'rngadi ngadi kupuji kam Tuhan, bas k'rina dampar kegeluhen,  
Ersurak m'riah pusuhku ibas kam, terpuji Tuhan rasa lalap.

## 3) Ertoto ipimpin sekalak MORIA

## 4) Renungen

### Ogen : Masmur 9:2-11 iogeken sekalak MAMRE

Mejuah-juah man banta kerina jabu-jabu Kristen si tetap setia ngikuti ibadah keluarga enda. Uga beritandu wari enda? Tentu saja bapa, nande, ras anak-anak lit ibas pengarak-ngarak Dibata. Kai nge dahinta selaku keluarga si terus ikawali Dibata? "Kuturiken kerina tanda kuasa si nggo ibahanNdu", bageme me nina Daud man Dibata. Sijadi alasenna ngelakoken sie eme, pengataken bujur man Dibata. Perbahanen Dibata siapai siman turinken? Menurut pemasmur, kerina tanda kuasa si nggo ibahan Dibata.

lanjut ku bas hal.2



Seh paksa gundari kita banci denga nggeluhken geluhta i doni enda, banci denga man, banci denga erbahan ibadah keluarga, ndauh ibas mara nari, harus kita ngataken bujur erkiteken ibereken Dibata sie kerina man banta. Bagepe, kita harus ngataken bujur ibas kiniseran ras perbeben, Dibata tetap erdahin mereken kiniulin man banta. Kalak si nggo ngaloken kiniulin Dibata, nuriken perbahanen Dibata e man kalak sideban. Sebab perbahanen Dibata pasti lalap mereken kiniulin dengen kalak si ngalokenca pasti ermeriah ukur, nggejabken kemalemen ate.

Kemalemen ate e biasana la banci terbendung, kalak si ermeriah ukur minter rende, ertoto, ersurak, dengen nurikenca man kalak sideban. Perasaan si bage me silit bas pusuh pemasmur sierbanca ia ngerana, "kukataken bujur BaNdu.....kukuriken kerina tanda kuasa si nggo ibahanNdu". La ia banci menahan keriahen ukurna guna dirina saja, tapi iturikenna man kalak sideban seh maka kerina kalak meteh uga Dibata erdahin mbela perkarana, engkawali ia. Jabu kalak Kristen labo nuriken kerna jabundu, pendahinndu, jabatenndu, dirindu, tapi perbahanen Dibata. Perbahanen Dibata ibas jabu, ibas pendahin, ibas kegeluhen anak-anak, ibas dirindu. Turiken perbahanen Dibata ijapa pe kita. Nuriken perbahanen Dibata labo arah kata-kata ngenca. Kita pe banci nurikenca arah kulata, perbahanenta. Alu nampati kalak si musil, menderita, kalak simembutuhken penampatta.

Situasi penyebaran virus Corona tentunya berdampak man kita kerina. Tapi lit isekelewetta mengalami dampak buruk ekonomi arah situasi enda. Lit siipengadi ibas pendahinna nari, lit pendapatan minim, lit si la banci erdahin, lit si terganggu kesehatenna, ras dampak sidebanna. Kalak sibage sangat butuh kel ia penampat bas kita nari. Alu mereken 2 kg beras pe nggo terakap kel man bana, sebab irumahna muat sada genggam beras pe mesera. Alu mereken sada papan telur pe terakap kel man bana, sebab muat sada butir telur pe mesera akapna. "Kukuriken kerina tanda kuasa si nggo ibahanNdu".

Mari sibenaken, arah kata, arah rende, arah ertoto, arah kita nampati kalak sideban, gelah kalak sideban pe nggejabken ras ngasup ka nuriken perbahanen Dibata e. Pasti tambah-tambah kemalemen ateta ras jabuta sebab kita ngasup jadi alat Dibata encidahen kuasaNa amingia kita pe ibas situasi si la kondusif bagi biasana. Amin.

## 5) Rende

### KEE No.368 : 1-2 **ipimpin sekalak PERMATA**

1). Si puji Tuhan Dibatanta, Kataken bujur bana  
Sebab la si merekenca, Pasu-pasu man banta

Reff. Mbelin ras mulia kekelengen Tuhan kubas doni enda  
Ajari o Tuhan kami krina anakndu  
Naksiken kerina perbahanenNdu

2). Geluh kami meriah tuhu, Krina si krajangenNdu  
Sabab kalak si nembah baNdu, Datken pasu-pasuNdu.

Reff. Mbelin ras mulia kekelengen Tuhan kubas doni enda  
Ajari o Tuhan kami krina anakndu  
Naksiken kerina perbahanenNdu

## 6) Pertoton Syafaat **ilakoken secara BERANTAI**

Bapa : notoken nande, anak-anak, ras gereja.  
Nande : notoken bapa ras wabah covid 19 minter berakhir, para  
medis, pemerintah bagepe pasien si menerita covid 19.  
Anak : notoken orangtua ras kiniersadan jabu.

## 7) Rende

### KEE No.354 : 1,3 **ipimpin sekalak KAKR**

Kam si Mbelin, Kam terbrita Kam kap si termulia  
Mehuli Kam, dengen erkuasa Kam si mada krina sinasa

Reff. Sinalsal keleng ate Tuhan bagi emas si labo luntur  
Rejin tuhu dolatNdu Tuhan ngarak-ngarak kegeluhen

3. Genduari, o Dibata kusehken bujur banNdu  
Terpuji Kam si mada krina singkelengi kegeluhenku  
Reff.

## 8) Pertoton Tuhan

**Tuhan Yesus memberkati**

